

**KICO TA POLIAMOR  
Y CON E TA  
FUNCIONA?**



**WWW.SOLODIPUEBLO.COM**



**SOLODIPUEBLO@GMAIL.COM**

**Den tur Distrito  
800 VEHICULO A WORDO  
CONTROLA Y VARIOS DETENCION  
DURANTE CONTROL POLICIAL**



**CASO DI CORUPCION Y SOBORNO DI  
SPEED ANDRADE A KEDA POSTPONI,  
ACUSACION DI FISCAL TA GRAVE**



**Un otro joya di proyecto di Gabinete Wever-Croes,  
AEROPUERTO INTERNACIONAL REINA  
BEATRIX A CELEBRA E ENTREGA DI FASE  
1A DI E PROYECTO GATEWAY 2030**



**HOMBER A CAY DI TRAILER,  
DURANTE PARADA DI  
VICTORIA DI BRITANIA**



## ANUNCIO

SETAR ta informa cu pa motibo di entierro di nos colega Stanley Pourrier nos ta cera pa publico:

• **diamars mainta dia 25 di juni 2024**

11.30 am ta reanuda servicio na nos clientela.

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of Whatsapp na 597-9999.

 **SETAR**



# MINISTER ENDY CROES TA FELICITA E STUDIANTENAN DI ARTE CULINARIO DI COLEGIO EPI CU A PASA NAN EXAMEN FINAL EXITOSAMENTE



Recientemente, Minister di Enseñansa y Deporte Endy Croes hunto cu directora general di Colegio EPI Sra. Ankie Danker, Sra. Tisa LaSorte di Aruba Hotel and Tourism Association (AHATA), Sr. Clay Shipley di directiva di Dienst Publieke Scholen (DPS), familiar y demas invitadonan tabata presente na e examen final di e studiantenan di Arte Culinario di Colegio EPI. Den ocasion special aki, Minister Endy Croes a hiba palabra, deseando e studiantenan hopi exito.



Un total di 18 estudiante di e estudio Arte Culinario a prepara alrededor di 10 delicioso plato. Sra. Danker a indica cu e studiantenan aki ta den fase final di nan estudio y dia 1 di juli 2024 lo celebra nan graduacion. Sra. Danker a expresa cu e ta sumamente orguyoso di e studiantenan y ta gradici tur docente y chef di Colegio EPI cu a contribui den nan desaroyo. Sra. LaSorte a indica cu e sector di horeca tin necesidad di koki y chef pasiona cu



por ofrece nos local- y turistanan un experiencia inolvidabel.

Finalmente, Minister Endy Croes ta felicita e studiantenan di Arte Culinario cu a prepara diferente plato exkisiko

durante nan examen final y ta desea nan hopi exito den nan futuro carera. Alabes, e mandatario di Enseñansa ta felicita e docentenan cu a guia e studiantenan durante e proceso aki y cu ta forma parti di nan logro.





# MINISTER GEOFFREY WEVER TA SALI AWE (DIALUNA) CU DELEGACION COMERCIAL PA SURINAM

Despues di algun luna di preparacion awenochi Minister di Asuntonan Economico, Comunicacion y Desaroyo Sostenibel, Geoffrey Wever, Camara di Comercio Aruba (KVK), Departamento di Asuntonan Economico Comercio y Industria, y Aruba Trade & Industry Association (ATIA) hunto cu delegacion comercial ta sali awe, dialuna, pa Surinam pa un Trade Mission te cu dia 28 di juni.

Hunto cu e delegacion Minister Wever kier explora e posibilidadnan

di comercio cu Surinam y asina purba stimula mas actividad comercial entre e dos Paisnan.

Surinam, manera ta conoci, ta un pais cu ta exporta azeta, oro, metal, palo, productonan pa construccion y mucho mas. P'esei e importancia di bai hunto como delegacion ta demostra tambe e interes y e seriedad di e mision aki. Comerciantenan local lo haya e oportunidad pa network, combersa y intercambia ideanan cu diferente comerciante Surnameño na Surinam.

Durante e estadia di Minister Wever y su delegacion lo topa cu diferente mandatarionan di Surinam durante e Trade Mission aki manera Sr. Chandrikapersad Santokhi Presidente di Surinam, Minister di Agricultura, Bestia y Pesca Sr. Parmanand Swedien, Minister di Economia, Empresarial y Innovation Sr. Rishma Kuldipsingh, Minister di Transporte, Comunicacion y Turismo Sr. Uraiqit Ramsaran, Minister di Finanzas Sr. Kermechend Stanley



Raghoebarsing. Banda di esaki lo bishita tambe Suriname Investment & Trade Agency y diferente compania di transporte na Surinam.

Minister Wever kier a

gradici KVK, DEZHI y ATIA pa nan empeño pa por haci e mision comercial aki posibel y tur comerciante cu ta parti di e mision comercial.

## Minister Geoffrey Wever: SEMINARIO "PODER FINANCIERO: E CAMINDA PA BO CAS"

Diasabra cu a pasa, e seminario organisa hunto cu Fundacion Plan di Bida y Bold Properties, "Poder Financiero: E Caminda Pa Bo Cas" a tuma luga, atrayendo un gran cantidad di participante. Esnan presente a muestra hopi interes den e topiconan presenta, siñando di e rekisitonan y consideracionnan ora di busca of construi nan propio cas, y mas importante ainda, un hende mester sa unda y con por busca informacion adicional.

Minister Geoffrey Wever a duna un discurso pa habri e evento, encurashando tur pa sea determina y strategico den nan buscada pa yega na un cas propio. "Mi deseo ta pa tur hende residencia na

Aruba yega un dia nan nan propio cas, no solamente como obheto di inversion pero especialmente como centro di nos famia, unda nos ta comparti y convivi cu nos pareha, yiunan, famia y amigonan."

E seminario, teni na Renaissance Convention Center, a enfoca riba e proseso y rekisitonan pa yega na un cas na Aruba. E ta intenta di empodera e comunidad cu informacion valioso tocante e derecho y cualificacionnan necesario pa bira doño di un cas cu por yuda nan planifica efectivamente pa nan futuro inversion.

Minister Wever a expresa su satisfaccion di por contribui na e seminario aki, cual a ser brinda gratis pa tur esnan cu a

registra y participa. A destaca e importancia di educacion financiero, cual ta un prioridad pa su maneho. "Ministerio di Asuntonan Economico ta sigui organisa diferente actividadnan pa promove educacion financiero na beneficio di e comunidad", e mandatario a expresa. "Mi ta agradecido na Sra. Paloma Tromp y e ekipo di Fundacion Plan di Bida, na Jenniffer Guzman y Aileen Kelly y henter e ekipo di Bold Properties, tur e sponsors y tur speaker, pa un tremendo evento."

Conocemento ta un prome paso importante na yega na bo propio hogar, p'esei educacion financiero ta esencial pa empodera nos hendenan. "Poder Financiero: E Caminda Pa Bo Cas" tabata un



experiencia valioso pa ur presente, y mi ta spera pa algun por conduci na resultadonan positivo den

nan bida pa realisa nan sueño", minister Wever a comenta.





## Noticia di Corte

### E caso pa mayan mainta a keda posponi MINISTERIO PUBLICO TIN ACUSACIONNAN SERIO CONTRA GRUPO DI PERIODISTA SOSPECHA DI A SOBORNA UN AGENTE DI POLIS

Manera a publica, Ministerio Publico a cuminsa caso penal contra 4 periodista relaciona cu e caso di ex agente Vos. Tratamento di e caso ta Dialuna 24 Juni 2024 pa 8.30 di mainta.

SOLO DI PUEBLO por a compronde cu Ministerio Publico a oficial publica e acusacionnan serio cu lo bay presenta dialuna awor. Entre otro soborna un agente di Polis, caminda nan sa cu e agente di Polis lo haci cosnan cu ta contra su trabao.

#### 4 SOSPECHOSO

Anterior a publica cu tin 5 sospechoso pasobra asina a wordo menciona durante tratamento di e caso Vos. A busca manera pa haya informacion for di Ministerio Publico, pero Ministerio Publico no kier a bisa nada. Awor, den forma oficial, Ministerio Publico ta anuncia cu e caso ta contra: Lacle, Giel, Koolman y de Andrade.

#### ACUSACIONNAN SERIO

Ministerio Publico ta acusa e grupo aki di a

cumpra e ex agente Vos.

E acusacionnan cu Ministerio Publico lo presenta dialuna awor 24 Juni 2024 den sala di Corte contra e grupo di 4 periodista ta:

Den e periodo di 1 Januari 2021 te 22 di Maart 2023, conhuntamente, a ofrece un ambtenaar den funcion di Cuerpo Policial di Aruba regalo of promesa cu e meta pa hib'e na haci of keda sin haci algo contra deber di su trabao. an ta wordo acusa di, den e periodo menciona, conhuntamente, a intencionalmente viola secretonan di cual e tabata sa cu e ambtenaar, relaciona cu su funcion, tabata obliga pa tene.

Nan ta wordo acusa di, entre 1 Januari 2021 te 22 Maart 2023, a participa na un organizacion cu tabata consisti di un y/of mas otro persona cu tabatin como meta pa comete crimennan, esta, corrupcion di un ambtenaar y/of tuma y/of duna soborno y/of maluso di funcion y/of violacion di secreto di trabao.

Esakinan ta acusacionnan serio contra e 4 periodistanan, kendenan lo mester duna cuenta dilanti Hues.

#### CASO POSPONI

Por a compronde cu e intencion tabata pa e caso tuma lugar mayan mainta pero un "regie zitting" caminda abogadonan lo tin e oportunidad di pidi pa investigacionnan cu nan ta desea pa sosode promer cu e tratamento di e caso.

Diabierna atardi, Ministerio Publico a anuncia cu e caso lo ta awe mainta 8.30. Por a compronde cu abogado a reacciona riba esaki caminda lo a haci peticion pa haci investigacion. Esey a trece cun'e cu a keda dicidi cu ta pospone e caso aki pendiente e investigacionnan. Despues cu e investigacionnan keda cla, lo wordo anuncia un fecha cu tratamento di e caso lo tuma lugar.

## HOMBER A CAY DI TRAILER, DURANTE PARADA DI VICTORIA DI BRITANIA



Tamarijn - Diadomingo e team di futbol di Britania a celebra nan victoria cu e tradicion di core rond den un caravana den districtonan di Aruba.

Esaki lo a sali den oranan mas trempan.

Den careda di 2'or pasa e caravana di e team tawata pasando den Tamarijn. Eynan algo a bay poco robes, momento cu un di e fanaticonan lo a cay di un trailer.

E cabayero hoben a ricibi basta golpi, pero tawata na tino. Manera por observa ariba e potretnan tawata tin hopi hende rond di dje pa tapa e solo fuerte.

Despues di un rato ambulance a yega, y den



un tempo cortico a sa di ambulance y bay direccion lanta e cabayero pone den Hospitaal.



# APERTURA OPERATION COMMAND CENTER DI MINISTERIO DI HUSTICIA HUNTO CU SETAR

Diabierna ultimo Ministerio di Husticia a inaugura e Operation Command Center cu ta ensera e proyecto di “Video Surveillance System” ehecuta dor di SETAR. E Operation Command Center monitoria 24/7 dor di Cuerpo Policial di Aruba, lo percura pa seguridad den areanan strategico rond di nos isla. Pa haci esaki posibel SETAR a instala un cantidad grandi di screens cu lo vigila areanan rond di Aruba via varios camera. Conhunto cu e proyecto aki SETAR ta instalando 47 camera mas na diferente punto den Oranjestad.

SETAR, como representante di e sistema di camaranan di Avigilon, tin un experiencia amplio den implementa e sistema di Avigilon, na otro empresanan y instancianan vital di Aruba.

E “Video Surveillance System” di Avigilon ta un sistema moderno cu lo ultimo den software cu solucionnan manera Artificial Intelligence (AI) y Video Analytics, Sensors, Video Infrastructure y Video Management System.



E Operation Command Center, ta ekipa cu lo ultimo den tecnologia di vigilancia, pa brinda Cuerpo Policial Aruba visibilidad maximo pa monitor y analisa imagennan di diferente camaranan di seguridad

den real-time. Esaki ta pa garantisar e bienestar y seguridad di e comunidad di Aruba y nos bishitantenan.

Como e compania nacional di telecomunicacion, SETAR ta orguyoso di

implementa e proyecto di Operation Command Center. Un proyecto importante pa Cuerpo Policial Aruba, unda lo brinda e comunidad di Aruba seguridad 24/7.

## Nos Fiesta Cultural *Ban Conserv'e*





# Den tur Distrito 800 VEHICULO A WORDO CONTROL Y VARIOS DETENCION DURANTE CONTROL POLICIAL NACIONAL



MACUARIMA, ARUBA: Diabierna anochi Cuerpo Policial Aruba a tene un Control Policial Nacional den tur distrito rond di Aruba. A infoca principalmente ariba maneha un vehiculo bou influencia pero como tambe a parti diferente sorto di boet.

Den total a controla 800 vehiculo di motor di cual tabata tin: mas cu 100 boet pa infraccion den trafico, 31 detencion pa maneha bou influencia di alcohol, 2 detencion pa droga, Prohibicion p acore of bou influencia riba caminda publico tabata 13,



Y 1 vehiculo a wordo tuma den beslag.

Danki na tur nos agentenan policial cu a percura pa nos camindanan ta sigur como tambe un tremendo cooperacion di e departamento di Cuerpo Especial Arubano (CEA).

Cuerpo Policial Aruba ta pone enfasis cu e controlnan aki lo sigui. Tanto mainta, atardi, anochi of marduga! Pa un trafico mas sigur pa nos comunidad!





# Prome Minister Evelyn Wever-Croes: Un otro joya di proyecto di Gabinete Wever-Croes, **AEROPUERTO INTERNACIONAL REINA BEATRIX A CELEBRA E ENTREGA DI FASE 1A DI E PROYECTO GATEWAY 2030**



Diabierna 21 di juni Prome Minister Evelyn Wever-Croes tawata presente na Aeropuerto Internacional Reina Beatrix pa celebra e entrega di fase 1A di e proyecto Gateway 2030 y pa e despedida di e actual CEO di AAA señor Joost Meijs.

Prome Minister a indica cu esaki ta e apertura di un sala nobo di US Departures, cual lo ta completamente operativo na comienso di 2025. E ta parti di e proyecto Gateway 2030 di e aeropuerto cu ta diseña pa mehora e facilidadnan di Aeropuerto Internacional

Reina Beatrix y asina duna e miho servicio posibel na e pasajero. Ta trata di un facilidad moderno, espacioso y cu pinturanan di e artista local Armando Goedgedrag.

Riba e anochi aki tambe a tuma despedida di e actual CEO di Aruba Airport Authority N.V., señor Joost Meijs cu ta den e funcion aki desde 2019. Señor Meijs lo bandona su funcion na July 2024, unabes cu e termina cu su mandato di cinco aña. E mandatario a gradici señor Meijs pa su contribucion cu pais Aruba y a dese'e hopi exito den futuro.

“E sala nobo di US Departures ta un proyecto hopi bunita cu a cuminsa den nos Gobierno. Aeropuerto di Aruba a wak temponan menos bon durante e pandemia. Tawata temponan dificil y di hopi incertidumbre. Nos a dicidi di habri frontera atrobe y tur cos ta indica cu esaki tawata e miho decision pa Aruba. E tempo ey hasta AAA a proyecta cu Aruba lo ta bek riba pia te aña 2025. Cu hopi orguyo mi por bisa cu ya na 2022 a mira e recuperacion y na 2023 e recuperacion tawata



completo. Awe por celebra e proyecto aki danki na tur ciudadano di Aruba cu semper ta traha duro pa hiba nos pais padilanti.

Pabien Aeropuerto Internacional Reina Beatrix pa e logro aki. Danki na colega Minister Dangui Oduber pa su


vision y determinación y danki na tur e ekipo di AAA cu a haci esaki posibel. Esaki ta un otro joya di proyecto di nos Gobierno. Nos no a realisa tur nos metanan ainda, pero nos ta logrando si”, Prome Minister a termina bisando.

## VACATURES

Kom jij ons team versterken?

### • Technical Support Engineer

Scan de QR code of ga naar [www.webaruba.com](http://www.webaruba.com) voor meer informatie over onze vacatures.





# MINISTER ENDY CROES TA FELICITA E 17 EMPLEADONAN DI ARUBA WINE AND DINE CU A RICIBI NAN DIPLOMA



iamars merdia, Minister Endy Croes a atende e ceremonia di graduacion di 17 empleado di Aruba Wine and Dine cu a termina nan curso cu exito. Durante 12 siman e empleadonan di dicho compania a asisti

na e curso di Stichting Vakbekwaamheid Horeca (SVA) pa waiter, unda cu nan a ricibi curso di entre otro, con pa atende cu cliente pa mehora servicio, hospitalidad y etiquette. E proposito ta pa mehora



e servicio na e clientenan: tanto turista como local.

E mandatario di Enseñansa y Deporte tabata presente na Que Pasa Restaurant, unda el a hiba palabra y felicita e empleadonan cu e logro aki. Despues di e discurso, Minister Endy Croes a haci entrega di diploma na e empleadonan.

“Danki na Aruba Wine and Dine cu a percura pa organisa e curso di capacitacion aki y brinda e enseñansa corecto na cada un di e empleadonan. Alabes, mi ta felicita e empleadonan cu e logro aki y ta desea nan hopi exito”, Minister Endy Croes a finalisa.



## CAMBIA PERSPECTIVA TOCANTE OBESIDAD: SA BO NUMBER Y MIDI BO PESO





# Un anochi di informacion exitoso!

## INTERES HALTO BOU DI NOS HOBENNAN PA BIRA POLIS



ARUBA: Na Abraham de Veer School situa na San Nicolas a tuma lugar un anochi di informacion. Cuerpo Policial Aruba bou invitacion di e dicho scol a duna presentacion y informacion na tur hoben cu ta interesa of kier a haya sa mas tocante Cuerpo Policial Aruba.

E aña aki a conta cu mas o

menos 100 hoben cu a bin busca informacion pero tambe tabata interesa den e trabou di Polis. Dado momento mester a ripiti e presentacion algun biaha dor di e demanda di hobennan cu a yega masalmente na e anochi di informacion.

Tambe e hobennan tabata tin e oportunidad pa aplica



mesora cu tambe a bay hopi bon na unda cu hopi hoben a probecha mesora pa aplica.

E hobennan por a haci diferente pregunta na e docentenan di Scol pa Polis E.J. Watty Vos pero tambe na e unidadnan di K9 Unit, Unidad Motorisa, agentenan den opleiding como tambe Polis uniforma.

Un anochi cu tabata hopi exitoso pa Cuerpo Policial Aruba mirando e acogida



masal di e hobennan cu a yega pa inscribí y haya e informacion. Danki na Abraham de Veer School como tambe docentenan

di Scol pa Polis E.J. Watty Vos cu a haci posibel cu hobennan por a mira y haya informacion di Cuerpo Policial Aruba.





# KICO TA POLIAMOR Y CON E TA FUNCIONA?

Poliamor, a diferencia di poligamia y relacionnan habri, ta basa riba e union relacional afectivo y emocional entre varios persona. Aki e sa con e ta funciona y e diferente tipo cu tin.

Segun e estudio the next generation of non-monogamy di e plataforma di cita 'Ashley Madison', 60% di e usarionan a sigura di no ta kere den monogamia. Un 23% a bisa cu nan no ta satisfecho y 23% a indica cu nan ta sinti nan mes atrapa den e tipo di relacionnan aki. Asina diferente tipo di relacion no monogamico, manera poliamor, ta resulta mas atractivo pa algun persona.

Si bo no si kico e termina aki ta nifica, bo ta na e articulo corecto, pasobra nos lo explora den profundidad kico ta poliamor, con e ta diferencia for di otro tipo di relacionnan no monogamico, ademas di sa kico ta su reto- y beneficiann principal.

Kico ta poliamor?

E ta un relacion afectivo y emocional compartí entre tres of mas individuo, cu por inclui of no un relacion sexual. E relacionnan aki ta basa riba principian similar na relacionnan convencional, destacando exclusividad, lealtad, durabilidad, comunicacion efectivo y respet pa e fronteranan estableci, como caracteristicanan fundamental.

Lara Ferreira, un psicologo experto den relacion di pareha y colaborador di Ashley Madison, a comenta den un entrevista pa un diario Apaño cu "no tur hende tin e mesun necesidadnan afectivo y manera di mira mundo". Pa algun, ta den un relacion cu un persona so por funciona, mientras pa otronan, ta cu varios



persona (afectivo, emocional, sexual of tur tres) por cumpli cu nan necesidadnan.

Ta posibel pa stima mas cu un persona?

Tin diferente cultura caminda monogamia no tabata comun, por ehempel, den Grecia antiguo, China y den e culturanan di e archipiélagonan di Pacifico. Un homber tabata casa cu diferente muhe; of un muhe (reina) casa cu diferente homber.

Pa e personanan cu ta practica poliamor, tin mas cu un pareha ta loke ta natural den sernan humano y monogamia tin mas di haber cu un practica imponi.

Expertonan di e Departamento di Neurobiologia di Instituto Nacional di Psiquiatria di Mexico ta splica cu ora bo experiencia amor pa un persona, bo ta libera den e cerebro di dopamina. Mientras cu monogamia ta loke ta domina mas, esaki no ta biologico.

E ta siña den cultura occidental y ta duna beneficiann social door di dje. Sinembargo, nan ta bisa cu e cerebro semper tin e tendencia pa buska loke ta

causa placer.

Ki tipo di poliamor tin?

Mescos cu nos sernan humano ta diferente, nos manera di conecta y relaciona cu mundo tambe ta diferente. P'esey, a pesar cu poliamor ta un forma di relacion entre individuonan, tin diferente sub-tipo den dje. Esaki ta limita door di e cantidad di integrantenan di e relacion y e herarkianan interno:

Trio of cuarteto: Esaki ta tuma luga ora tres of cuater persona ta establece un conexon simultaneo den un relacion. Esaki ta encera un componente romantico, pero no necesariamente ta encera un vinculo sexual.

Poliamor herarkico: Den e tipo di relacion aki, ta sali un conexon principal cu ta considera primario. E importancia no ta den e afecto, sino den e acceso na privilegio specifico. Poliamor no herarkico: Al contrario, aki no tin clasificacion herarkico entre e relacionnan; tur na e mesun nivel di importancia.

Anarkia relacional: Caracteristica pa e igualdad di tur relacion den su bida, sea entre famia, amigo of

pareha, tur ta basa nan mes riba e mesun plan sin distincion di herarkia.

Poliamor tin diferente nificacion cu ta diferencie di

cu diferente muhe of di un muhe cu diferente homber (Poliandra). Al contrario, poliamor ta limita na e conexon afectivo entre varios persona, sin mara nan mes na un matrimonio ni na e exclusividad di un persona manteniendo relacion cu otro.

Con relacionnan poliamoroso ta funciona?

E yabi pa e exito di relacionnan poliamoroso ta den dos componente esencial: Un comunicacion habri, honesto y directo; ademas di e buskeda activo di consenso, tur dos apoya pa e establecimiento di limitacionnan saludabel entre esnan involvi. Pa comprende, un tiki mas, con poliamor ta funciona; aki bou nos ta detaya cada un di e elementonan aki.

Comunicacion

Ta importante pa mantene un dialogo transparente y sincero den pareha. Esaki ta nifica establece, explicitamente, con e relacion entre e integrantenan lo ta, semper buscando nan pa orienta na nan disfrute mutuo.

Comunicacion y negociacion ta hunga un rol central den e relacionnan aki. Ademas, nan ta e base pa garantiza cuido di tur esnan involvi, yega na acuerdo cla y sigura cu e dinamica di satisfaccion pa cada persona involvi.

Limitacion

Pa pone limitacion ta necesidad di enfatisa e necesidad

CONTINUA PAG 11

## Clasificados

**SOLODIPUEBLO@GMAIL.COM**  
**CEL.585 9500**






CONTINUACION PAG 10

di un dialogo continuo y e exploracion di sentimentonan mes. Pa hopi hende, esaki ta nifica pone restriccion, loke no por wordo considera asina den relacionnan poliamoroso.

Mas bien, mester tuma esaki komo un comprendementu di te unda un hende por ta dispuesto pa opina, actua of comunica den casonan complica. P'esey, e pensamentonan mester wordo expresa cu asertividad.

Beneficianan di tin relacionnan poliamoroso Poliamor ta trece beneficiacionan remarcabel. Entre nan ta destaca un maneho y autoconocimento emocional mas halto . Enfrentando un red kompliká



di relashonnan, ta desaroyá un komprondementu mas profundo di e propio emoshonnan i abilitatnan pa manehá nan. E proseso aki ta kontribuí na un kresementu personal enorme, ya



ku ta siña rekonosé i atendé ku un gama mas amplio di emoshonnan.

Otro beneficio ta e adquisicion of e ehercicio di e habilidadnan di comunicacion. Den e contexto poliamoroso, ta clave pa trata e temanan difcil na un manera franco. Esaki ta pone ku den e proseso aki ta afina e abilitatnan comunicativo, y tambe empatia y asertividad pa pareha comprende, exactamente, e mensahe cu nan kier transmiti.

Ademas, relacionnan poliamoroso ta fomenta un mentalidad mas habri tocante sentimento, y, tin bi-aha, sex. E ultimo ta implica explora profundamente cu e pareha, scapa di e monotonia y, den hopi caso,

descubri bo preferencianan sexual. Asina e ta enfoca riba satisfaccion mutuo y ta promove un aprendisahe constante pa logra esaki.

Un relacion poliamoroso

ta desaroya cu hopi comunicacion y conocimiento di nos mes emocionnan.

Desafionan cu relacionnan poliamoroso ta enfrenta Un di e retonan grandi den un relacion poliamor ta manifesta den presencia di cel, obsesion, inseguridad y comparacion. E sentimentonan aki por surgi, inevitablemente, considerando cu e pareha lo comparti nivelnan intimidante, emocional y afectivo cu otro hende. E yabi, den e casonan aki, ta pa comunica directamente loke ta sinti pa yega na consensonan.

Otro reto crucial ta maneho emocional. Esaki ta encera un aprendisahe profundo riba bo mes, loke bo ta dispuesto pa permiti y loke bo


# KICO TA POLIAMOR Y CON E TA FUNCIONA?

no ta permiti; y con bo por explora e liganan cu otro pa tin un relacion saludable. Den otro palabra: E ta rekeri un trabou grandi di introspeccion y evaluacion di con bo ta sinti bo mes.

Combati narcisismo y ego den relacion ta un otro barera pa supera. Hopi bi-aha nos ke pa tur cos funciona den un manera unico. Sinembargo, den poliamor, un di su basenan ta pa busca consenso, haya acuerdo entre tur e partidonan envolvi y adopta un actitud di cuido y amor pa otro. Sin e

elementonan aki, un relacion poliamoroso ta wordo obstaculisa den su funcionamiento.

Ademas, un otro dificultad cu esnan cu ta dicidi di forma un relacion poliamoroso por experimenta ta ora cu nan kier forma un famia. Den e sentido tradicional, nan ta consisti di mama, tata y yiu. Mientras cu sociedad a muestra mas apertura na otro tipo di famia diverso manera homosexual of uniparental, ainda e aceptacion aki ta keda un gran reto pa poliamor.



	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

3			4				1	
							7	
	8		6					4
2			3	9		6		
4			5					
1		7				9		
						8		
	4						6	
		6	8	1			5	7



REFLECCION

Dios ta prohibi tur relacion sexual pafo di Sacramento di Matrimonio

E diabel ta purba cambia e moda di biba di hende, den e libertinahe sexual prohibi. E mundo por cambia, pero e palabranan di Dios nunca no ta cambia. Gobiernonan di mundo por pasa leynan cu ta contra di e scrituranan di Dios, pero Dios ta bisa den Bijbel, Bijbel Malakias 3: 6 : “Ami Senyor, Mi no ta cambia.” Bosonan no sa, cu tur relacionnan sexual pafo di e Sacramento di Matrimonio, ta un pika condenabel pa fierno. Den e di 9 Mandamento di Dios ta bisa: “Lo bo no comete e pika di fornicacion, esaki ta e relacion sexual prohibi, esta : Na esnan cu ta biba companja, na esnan cu ta casa pa Raad so, e prostitutanan y na e libertinahe sexualnan. Bijbel 1 Corinthionan 6: 18 ta bisa: “Abstene boso di relacion sexual prohibi.

Tur otro pika cu hende ta comete, ta tuma lugar pafo di su curpa. Ma esnan cu ta haci relacion sexual prohibi, ta peka contra di su mes curpa.” Bijbel 1 Corinthionan 7: 2 ta bisa: “Ma, si ta pa e tentacion di haci relacion sexual pafo di matrimonio, anto ta mihor cu cada homber tin su mes esposa y cada muher tin su mes esposo.” Bijbel Hebreonan 13: 4 ta bisa: “Tur hende mester respeta matrimonio den tur aspectonan y mantene e fielded den e relacionnan entre esposo y esposa. Dios ta castiga na esnan cu tin relacionnan sexual prohibi y na esnan cu ta comete adulterio.” Bijbel 1 Tessalonicensenan 4: 2 – 5 ta bisa: “Boso conoce e instruccionnan cu nos a duna boso riba autoridad di Senyor Hesus. E boluntad di Dios ta, pa boso bira

santonan y pa boso no tin relacionnan sexual pafo di matrimonio. Cu cada uno sabi di busca un esposa den santidad y respet, sin laga e mal deseonan desvia boso, manera sa haci den e pueblonan cu no conoce Dios.” Bijbel Colonsensenan 3: 5 y 6 ta bisa: “P’esey, mata loke ta keda den e bida terenal den boso, esta : Inmoralidad sexual, impuresa, mal pasion, mal deseonan y avaricia cu ta mescos cu idolatria. Esakinan ta e pikanan cu ta trece e castigonan di Dios.” Bijbel 1 Corinthionan 6 : 19 y 20 ta bisa: “Bosonan sabi esey, cu boso curpa ta tempel di Spirito Santo, kende ta biba den boso, kende boso a ricibi di Dios. Boso no ta di boso mes, boso ta cumpra y e prijs ta paga. Glorifica Dios anto den boso curpa.” Bijbel 1 Corinthionan 6 : 9











y 10 ta bisa : “Boso no sabi, cu e inhustonan lo no drenta den e Reino di Dios? No ganja boso mes, na esnan den relacion sexual prohibi, na e sirbidornan di Diosnan falso, na esnan den adulterio, na e homosexualnan di tur clase, na e ladronnan, na e alcoholiconan, na e blasfemadornan, na esnan golos pa plaka, na e abusadornan, ningun di nan lo no tin parti den e Reino di Dios.” Bijbel Marko 10 : 6-9 ta bisa : “Ma na principio tempo di creacion, Dios a traha nan homber y muher. P’esey e homber lo bandona su tata y su mama, pa e uni cu su muher y e dosnan aki lo bira un curpa. P’esey, loke cu Dios a uni hende no ta permiti di separa.” Esaki ta e Sacramento di Matrimonio den Misa, na unda Dios ta uni e pareha den un

solo curpa, pa medio di un sacerdote. Den e Sacramento di Matrimonio aki, Dios ta uni e pareha den e bida sexual y e muher no ta donjo di su mes curpa, ma sino su esposo, tambe e homber no ta donjo di su mes curpa, ma su senjora, Bijbel 1 Corinthionan 7 : 4: “No ta e muher ta donjo di su mes curpa, sino su esposo. Tampoko no ta e homber ta donjo sis u mes curpa, ma su senjora.” Pesey e pareha ta keda casa te na morto y Dios no ta reconoce divorcio. Na esnan cu a separa of a divorcia pa raad, no bay biba cu otro persona den e pika di adulterio, pero laga e caminda habri, pa bo yunan, pa bo pareha uni bek y pa Dios den e Gloria Eterna.

Seferino Tromp

<div></div> <div>Paardenbaanstraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado : Sorteo 23 Juni 2024 Merdia</div>		
<div></div> <div>Sorteo # 4305</div> <div>1448</div> <div>2625</div> <div>8653</div> <div>x5</div> <div>Sorteo # 4305</div> <div>6003</div> <div>x2</div> <div>Sorteo # 2361</div> <div>1513</div> <div>Sorteo # 4305</div> <div>4467</div> <div>geminis</div> <div>Sorteo # 1173</div> <div>037</div> <div>x3</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12.00</div>	<div>Joker</div> <div>Letter</div> <div>Proximo Jackpot</div> <div>1.000.000,-</div>
<div></div> <div>Sorteo # 16511</div> <div>1 x Jackpot</div> <div>1 x Match 4</div> <div>70 x Afl. 8.00</div>	<div>Proximo Jackpot</div> <div>150.000,-</div>	
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500.00</div> <div>0 x Afl. 50.00</div> <div>0 x Afl. 15.00</div>	<div>Mega Ball</div> <div>Proximo Jackpot</div> <div>300.000,-</div>	
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500.00</div> <div>0 x Afl. 50.00</div> <div>0 x Afl. 15.00</div>	<div>Proximo Jackpot</div> <div>Afl. 400.000,-</div>	
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500.00</div> <div>0 x Afl. 50.00</div> <div>0 x Afl. 15.00</div>	<div>Proximo Jackpot</div> <div></div>	<div></div>

<div></div> <div>Paardenbaanstraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado : Sorteo 22 Juni 2024 Anochi</div>		
<div></div> <div>Sorteo # 8275</div> <div>0721</div> <div>5504</div> <div>2763</div> <div>X2</div> <div>Sorteo # 7319</div> <div>2112</div> <div>FP</div> <div>Sorteo # 2024</div> <div>0372</div> <div>Sorteo # 6078</div> <div>9834</div> <div>Sagitario</div> <div>Sorteo # 1008</div> <div>812</div> <div>X2</div>	<div></div> <div>Sorteo # 2503</div> <div>0 x Jackpot</div> <div>3 x Match 4+</div> <div>45 x Match 4</div> <div>1080 x Afl. 12.00</div>	<div>12-16-23-30-32</div> <div>Joker 34 Letter H</div> <div>Proximo Jackpot</div> <div>1.000.000,-</div>
<div></div> <div>Sorteo # 16510</div> <div>0 x Jackpot</div> <div>4 x Match 4</div> <div>156 x Afl. 8.00</div>	<div>Proximo Jackpot</div> <div>51.000,-</div>	
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500.00</div> <div>0 x Afl. 50.00</div> <div>0 x Afl. 15.00</div>	<div>Mega Ball</div> <div>Proximo Jackpot</div> <div>300.000,-</div>	
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500.00</div> <div>0 x Afl. 50.00</div> <div>0 x Afl. 15.00</div>	<div>Proximo Jackpot</div> <div>Afl. 400.000,-</div>	
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500.00</div> <div>0 x Afl. 50.00</div> <div>0 x Afl. 15.00</div>	<div>Proximo Jackpot</div> <div></div>	<div></div>



# Obituario

Publica serka nos anuncio di fayecimento di bo ser kerí.  
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera  
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto ser dera  
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na  
585-9500 of na 741-4554





# HOROSCOPO

Dera gay, dera gay, San Juan a mate. Feliz y productivo dialuna pa un y tur y un Feliz Dia di San Juan. Awe Solo di Pueblo ta presenta bo horoscop pa dia 24 di juni 2024.

**Aries**  
No desespera, tin biaha amistad ta converti den amor. Bo placa gespaar lo wordo multiplica. Riba tereno profesional, sigui e caminda cu a marca. Bo pianan mester di cuida di un podologo. Number di suerte: 84, 43, 7.

**Tauro**  
Ocasion ideal pa cuminsa cu un idilio. Excelente momento pa realisa operacion bursatil. Un problema lab-

oral cu por surgi lo wordo bon solucion. Novedad positivo den cuestion di salud. Number di suerte: 65, 22, 1.

**Geminis**  
Pleito rond di bo cu amigo of famia. Cu placa, bo mester ta un poco mas ariesga. Si bo kier subi di posicion, bo mester move un ke otro hilo. Relaha y disfruta di e energia positivo cu tin rond di bo. Number di suerte: 87, 22, 9.

**Cancer**  
Percura pa ta tur lo natural cu bo por cu e posibel amor ey. Bo por pemit bo e capricho ey cu ya bo tin un tempo cu bo ta desea. Monotonía ta haci doño den

bo trabao. Basa bo dieta den berdura y fruta. Number di suerte: 62, 14, 9.

**Leo**  
Si bo ta biba den pareha, lo tin discusion di tipo domestico. Momento economico dies, disfruta di dje. Bo problemanan na nivel profesional no lo vislumbra. Bo rudianan lo ta bo punto debil, percúra landa. Number di suerte: 44, 95, 3.

**Virgo**  
E presionnan familiar lo causa bo un crisis di pareha. Bo mester ta mas prudente y responsabel cu placa. Por fin tur bo esfuersonan laboral lo duna fruta. Den bo dieta diario bo tin cu tene cuenta cu e vitaminanan.

Number di suerte: 47, 19, 5.

**Libra**  
Nan ta cana rond di bo un tempo caba y bo no a ni ripara. Gasta lo imprescindibel y reserva pa mas despues. Tesion lo protagonisa e dia di trabao. Si bo ta sinti bo mes gestress, regla pa bay un gym. Number: 98, 11, 3.

**Scorpio**  
Scoge bon cu ken bo lo comparti bo ratonan liber. E perspectivanan economico ta hopi prometedor. Bo ta sinti bo balora pa bo compañeronan di trabao. Bo organsimo mester fruta y berdura. Number di suerte: 48, 26, 2.

**Sagitario**  
Habri bo curason pa amor, e lo bay bon. Cuida e tendencia compulsivo ey pa gasta. E confrontacionnan cu bo tin cu bo compañeronan, ta scurece e trabao. Vigila bo presion arterial y controla sobrepeso. Num-

ber di suerte: 79, 57, 5.

**Capricornio**  
Probablemente un persona hopi special lo aparece den bo bida. Dicidi pa disfruta sin wak tanto e placa. Ta momento pa haci bo bal profesionalmente. Bo por tin dolor na bo encia. Number di suerte: 71, 95, 6.

**Acuario**  
Consuelo di un bon amigo lo aclaria bo dudanan. Posibel cambio di residencia, ojo cu e gastonan. Bo lo tin compañero nobo y reto profesional. Enfoca bon riba bo energia vital y canalisa bo potencial. Number di suerte: 94, 72, 9.

**Piscis**  
Aleha di bo bida esun cu ta causa problema cu bo pareha. Pidi conseho prome cu malgasta bo placa. Un hende cu idea nobo lo faborce bo ambientelaboral. Un cura di sueño lo mehora bo estado fisico. Number di suerte: 45, 22, 7.

# Dos persona herida, despues brommer a perde control



Wayaca - Diasabra anochi polis a bay panort di e muraya di Arubus situa na Wayaca, unda cu lo tawata

tin un accidente cu brommer. Momento cu polis a yega a topa cu un grupo grandi

dibrommer. A bin resulta cu un cabayero y un dama ariba un brommer a perde control y bay

dal contra e muraya. Dos ambulance a presenta, unda cu na final am-

bos persona a wordo hiba Hospitaal pa ricibi atencion medico mas avansa.





# MOTOCICLISTA SERIAMENTE HERIDA, DESPUES DI A DAL CONTRA UN AUTO NA PARADERA



Paradera - Diasabra merdia algo prome cu 3'or polis a bay pazuid Stichting Thuiszorg Aruba na Paradera pa un accidente serio di brommer cu auto.

Un agente na burger a pasa y a topa cu e accidente y mesora a bati alarma cu ta

un accidente serio. Unda cu e motociclista a keda seriamente herida na su pia drechi.

Patruyanan mesora a cuminsa yega cu urgencia pa e caminda di Paradera pa Jaburibari y cera esaki.

Mientrastanto e motociclista tawata ariba suela y algun persona rond di dje. E motociclista aparentemente lo tawata caminda pa trabou.

Na e sitio nos a papia cu e señora na stuur di e Ford involvi, y e la conta nos e ta bayendo zuid y e brommer tawata ariba su banda robes y ta dal contra e Ford dilanti y bay cay algun meter mas patras.

Den e impacto e la herida su pia seriamente. Na yegada Paramediconan a preparé y algun minuut despues a sali direccion Hospitaal.

Polis di trafico a haci su investigacion y caminda por a wordo habri bek.



## Maravillas de la Fe

Bo ta sufri di un malesa nan cu no no por cura? Manera artrosis, Alzheimer, demencia, depresión, diabetes osteoporosis, párkinson, insomnio, dolor di barica, weso migren dolo di barica, dolo di wesu, lomba, ect? Bo ta bebe remedi i bo no ta cura? Bo ta victima di bruheria? comunica na MARAVILLAS DE LA FE na 748 56 71

Bo no tin suerte? bo placa no ta jega? Bo ta cumpra number i bo no ta gana? Bo ta bai casino i perde tur bo placa? Invidia, mala suerte? komunika na 748 56 71

Bo tin problema di amor? Bo pareha ta gaña bo? Fracaso, soledat, angustia. komunika na



Comunica na 748 56 71



748 56 71



OLIVE TREE'S  
PRE-PAID  
FUNERAL PLAN

PAY AS YOU CAN

Piedraplat ☎ 582 0000  
Sanicolaas ☎ 584 8888 | 5820000  
Habri dialuna pa diabierne | 8:00am-4:00pm

Olive Tree Social Department ☎ (+297) 743 7411  
www.olivetreefuneralhome.com



# HOMBER CU MULTIPLE HINCA TRANSPORTA CU URGENCIA PA HOSPITAAL



Nijhoffstraat, San Nicolas  
Diabierna den careda di 7 y cuarto di anochi. A sosode un caso serio di hincamento den Nijhofstraat.

Algun persona lo a agredi un persona y na momento cu polis a yega a bin ripara cu e victima tabata tin como 3 pa 4 hinca den pecho y tabata sangrando hopi. Polis na e sitio mesora a pidi ambulance cu hopi urgencia.

Polisnan a topa cu algun testigo y a tuma nan declaracion. E victima tambe a logra duna polis algun informacion, unda e hincamento a sosode algun meter mas leu polis a bin haya cuhiunan benta.

Mientras cu tabata wardando riba ambulance e victima su situacion a cuminsa bira pio y tabata pidiendo ambulance pa yega mas rapido

posibel.

Na yegada e paramediconan hopi lihe a prepara e victima y cu urgencia a transport'e pa hospital.

E area unda e hincamento a tuma luga a wordo cera y a pidi pa presencia di Departamento Tecnico pa mas investigacion.

E victima su situacion ta hopi critico, unda cu varios

patruxa di polis mester a habri caminda pa e ambulance por a yega mas lihe cu ta posibel Hospital.

## RBC TA STIMULA UN MEDIO AMBIENTE SALUDABEL Y TA PRESERVA NOS ECO-SISTEMA PA GENERACIONNAN DEN FUTURO



Den reconocimiento di Dia di Medio ambiente y Dia di Oceano Mundial, un total di 750 boluntario di RBC na ocho pais den

Caribe a finalisa recientemente un limpieza masivo, colectando mas di 9 ton di desperdicio y sushi di playa.

Na Aruba, 27 empleado di RBC y na famianan boluntariamente a haci Grapefield Beach limpi,



for di unda nan a colecta 1,100 kg di sushi.



# FORTALEZA PA FAMILIA

Scirbi pa Pastor Marcel Balootje.

## E GRAN BERDAD CU TUR HENDE MESTER SA Y OBEDECE

Romanos 8:1-2 Pesey awor no tin condenacion pa esnan cu ta den Cristo Hesus. Pasobra e ley di e Spirito di bida den Cristo Hesus, a haci mi liber di e ley di pica, y di morto.

Tur esey a cuminsa for di Juan 3:16, pesey obediencia na e palabra di Dios ta masha importante, Cristo Hesus a paga e preis di nos salvacion cu su morto na e crus riba calvario.

Dios ta asina bon pa nos tur cu E ta ofrece na nos tur mesun oportunidad di salvacion y esey ta pa medio kere den su Yiu unigenito Cristo Hesus.

Pasobra Dios no a manda su Yiu na mundo pa condena e mundo, ma pa mundo wordo salba door di dj'E. (Juan 3:17).

Esnan cu nenga locual Dios ta ofrece, ta cay bao di condenacion pasobra e palabra ta bisa: Esun cu kere den dj'E, no ta condena, ma esun cu no kere den dj'E ta condena caba, pasobra e no a kere den e nomber di e Yiu unigenito di Dios. (Juan 3:18).

Nos tur mester tuma e decision pa nos mes, pasobra cada un di nos, por scohe sea pa bida eterna den Cristo (esey ta nifica cu

nos tin entrada pa cielo.) of pa morto eterno den fierno caminda lo ta e destino final di tur esnan cu rechasa Cristo Hesus.

E palabra di Dios ta bisa den Juan 3:36: Esun cu kere den e Yiu lo tin bida eterna, ma esun cu no obedece e Yiu lo no mira bida, ma e furia di Dios lo keda riba dje.

Cristo Hesus ta nos unico speranza pa salvacion, pasobra ningun hende no por yega serca e Tata si no ta pa medio di su Yiu Cristo Hesus.

E tempo ta critico, traba-

hoso, y binida di Cristo Hesus ta serca, no tin tempo pa para discuti, ni tampoco tempo pa wak ken ta mihor cu otro, pasobra tur cos riba e mundo aki ta temporal, ta solamente den Cristo nos tin bida eterna.

Nos no por biba rabia cu otro aki riba tera y kere cu nos lo drenta cielo, pasobra den cielo no tin lugar pa rabia, odio, malicia y maldad, e cosnan ey no ta drenta den presencia di Dios.

Den Galationan 5:19-21 Dios ta muestra cla cual ta e cosnan cu hende ta practica y cu ta strobanan di hereda e reino di Dios.

1 Corintionan 6:9-10 Dios ta bolbe corda nos riba nos cu hende cu ta practica inhustia lo no hereda e reino di Dios, pero den verse 11 e ta muestra cu tin un oportunidad pa tur esnan cu kier arepentí y aleha for di pica.

Hopi hende no ta comprende e plan di diabel, cual a bini pa horta, mata y destrui, y pesey nan ta sigi den e caminda robes, aparta for di Dios den tur clase di inmoralidad y pica.

Otronan a tende e berdad, pero pa motibo di duresa di curason, pa placa, y inmoralidad, ta ninga y rechasa E unico cu por salba nan alma kende ta Cristo Hesus y ta keda biba den e bida di scuridad cual diabel ta ofrece, y asina nan lo no hereda e reino di Dios.

Ningun hende por scapa e condenacion di fierno si e no acepta, reconoce y entrega su bida na Cristo Hesus.

Si bo confesa cu bo boca cu Hesus ta Señor y kere den bo curason cu Dios a lant'E for di mortonan lo bo ta salba. (Romanonan 10:9)

Sinceramente, Pastor Marcel Balootje.

## Minister Thijsen tin confiansa riba continuidad den maneho

Den Haag – Mirando cu Hulanda proximamente lo tin un Gobierno nobo y cu tambe lo tin un Secretario di Estado nobo pa Relacionnan den Reino, Minister Plenipotenciario mr. Ady Thijsen a duna comentario riba e desaroyo aki na final di reunion di Consejo di Minister di Reino (RMR). Den esaki e mandatario a bisa cu indicacion ta muestra cu e Secretario di Estado nobo lo kier continua cu loke nan a haci caba den pasado. 'Esey ta muestra bon. Cada candidato tin nan experiencia. Nos lo mester duna nan chens pa goberna. Aruba ta traha cu tur partido cu tin. Nos sa cu nos ta hacienda un bon trabao y nos sa unda nos ta para,' segun Minister Thijsen.

Riba pregunta di prensa

tocante e punto di bista di PVV pa loke ta e parti Caribense di Reino, Minister Thijsen a bisa cu en berdad cierto comentarionan scerpi a wordo haci den pasado y mester lage te ey. 'Nos mester sali di e punto di bista cu nos ta den un otro desaroyo y bo mester respeta e democracia; e resultado di eleccion na Hulanda. Ami ta di 2005 y mi a experiencia diferente politiconan Hulandes, tambe di PVV. No ta awor nan a cuminsa, pero tin hopi aña den politica Hulandes. Nan ta hopi scerpi, pero e "bottom line" di nan ta esaki. Nan ta bisabo cu nan no kier pa e paisnan den Reino bin bati na porta cada biaha pa placa y nan no kier pa e paisnan ta keda sin tuma nan responsabilidad. Ami por papia pa Aruba, cu ta un pais cu semper a carga

su responsabilidad; Aruba ta un pais cu si mester, semper a fia placa riba mercado financiero internacional. E unico momento cu Aruba a fia placa di Hulanda, ta durante di e pandemia pa nos por a sobreviví. Ami ta kere cu nos mester mira padilanti y mi te kere den e palabranan cu e Hulandesnan mes ta usa hopi cu ta continuidad. Y manera Secretario di Estado Van Huffelen a bisa cu e ta sali for di punto di bista cu tin continuidad di loke nos a bin ta haci,' tabata palabranan di Minister Thijsen.

Finalmente Minister Thijsen ta kere cu ta bon pa tin hende cu hopi experiencia den funcionnan clave, pasobra awor esaki ta necesario. Segun sr. Thijsen casi tur Minister y Secretario di Estadonan ta nobo y e



tin un bentaha cu nos tin e experiencia pa nos por sigi fortifica nos paisnan den Reino. Tambe Minister Thijsen a muestra riba e posibilidat cambianan cu ta bai bin den Reino, cu eleccion atrobe na Sint Maarten den luna di Augustus, Curaçao ta bai vota na Maart 2025 y Aruba tin eleccion na Juni 2025.

**PUEBLO A HAÑA SU PEN BEK**

Pa kualquier informacion  
solodipueblo@gmail.com  
of  
☎ 585-9500